

ԻՆՏԵՆՍԻՎԱԿԱՆ

Վ. Զ. Վախաժյան

ԳՐԻԳՈՐ ԱՐԺՐՈՒՆԻՆ ԵՎ ՀԱՅԿԱԿԱՆ ՀԱՐՑԸ¹

Գրիգոր Արծրունին (1845—1892) արևելահայ հասարակական կյանքում հանդես եկավ 1872 թվին՝ իր «Մշակ» լրագրի հիմնադրամամբ, եթե չհաշվենք նրա գրած մի շարք հոդվածները, որոնք սկսած 1865 թվից տպագրվել են զանազան հայ պարբերականների էջերում։ Նա իր հրապարակախոսական գործունեությունն սկսեց այն ժամանակ, երբ Անդրկովկասում իր քայքայման պրոցեսն էր ապրում հին՝ միջնադարյան ֆեոդալական հասարակարգը և զարգանում ու ծավալվում էին կապիտալիստական հարաբերությունները։

19-րդ դարի երկրորդ կեսի լուսաշին տասնամյակները հայ իրականության մեջ եղել են հին, քայքայվող և նոր, բարձրացող դասակարգերի պայքարի տարիներ։ Այդ տարիները հայ ժողովրդի որպես ազգության ձևավորվելու տարիներն էին։ Հասկանալի է, որ մի այդպիսի էպոխա պետք է առաջադրեր նաև իր նշանավոր հասարակական գործիչներին։ Հայ բուրժուազիան իր ծոցից վեր հանեց նշանավոր գործիչ և հրապարակախոս Գ. Արծրունուն։

Արծրունին իր հրապարակախոսության մեջ արտացոլել է ժամանակի հայ հասարակական կյանքի բազմաթիվ երևույթները։ Նրա հրապարակախոսության նյութ են դարձել գրականության, լեզվի, դպրոցի, կրթության ու դաստիարակության, ընտանիքի, կեռք էմանսիպացիայի ու հասարակության մեջ նրա ունեցած դերի և սոցիալական կյանքի բազմաթիվ այլ հարցեր։ Նա հատկապես աչքի է ընկել ազգային-ազատագրական պայքարի պրոպագանդայով։

Մենք նախավորություն չունենք այստեղ մանրամասն կանոնադրելու Արծրունու տնտե-

սական հայացքների վրա։ Նրա տնտեսական ծրագիրը բխում էր իր դասակարգի՝ բուրժուազիայի շահերից։ Նա ցանկանում էր, որ պետքի հայ վաճառականներն ավելի արդյունավետ և հարմար օգտագործեն իրենց կուտակած կապիտալները արդյունաբերության մեջ, բռնեն արդյունագործության ճանապարհը, իսկ այդ, նախ կնպաստեր կապիտալիստական արդյունաբերության զարգացմանը, ապա հայ բուրժուազիայի համար կստեղծեր ամուր նյութական բազա։ Արծրունին ցանկանում էր հայերի բաղաքական իշխանության բացակայության պայմաններում հայ բուրժուազիայի համար ստեղծել տնտեսական մի ուժեղ պատվանդան, որի վրա հենվելով նա կարողանար ղեկավարող դեր խաղալ հայ հասարակական կյանքում։

Արծրունին իր գործունեության, ինչպես սկզբից գոհ էր Անդրկովկասում՝ ցարիզմի վարած բաղաքականությունից։ Նա գտնում էր, որ ցարիզմը հովանավորող դիրք էր զբաղեցնում հայ առևտրական կապիտալը։ 60-ական թվականներից ցարիզմը չէր խանգարում հայ բուրժուազիային իշխող դիրքեր ձեռք բերելու Անդրկովկասի արդյունաբերության մեջ։

Արծրունին իր ամբողջ գործունեության ընթացքում՝ բաղաքական պայքար չբարոյացնում Ռուսաստանի դեմ։ Ավելին, նա դեմ էր, որ հայերը ծավալեն ազգային-ազատագրական պայքար Արևելյան Հայաստանում։ Արծրունին իր դասակարգի շահերի տեսակետից այս հարցին մոտենում էր բավական ուռալ։ Նա հաշվի էր առնում հայ ժողովրդի անգործությունը պայքարելու հզոր ուսական պետության դեմ։ Մյուս կողմից, Արծրունին, ինչպես և ողջ արևելահայությունը, դեռ չէր մոռացել հայ ժողովրդի մոտակա անցյալը, նրա ծանր ստրկությունը պարսկական և թուրքական լծի տակ։ Այդ կապակցությամբ, հիշենք Ս. Նազարյանի խոսքերը. «Հայերը ճամարտապետ և իրավադի չնորհակալ են Ռուսաստանին, որ աղատել է իրանց մի անտանձիկ անարգակուն

¹ Հայկական ՍՍՌ Գիտությունների Ակադեմիայի Պատմության Ինստիտուտի գիտական խորհրդի 1947 թ. հունիսի 21-ի նիստում՝ պատմական գիտությունների թեկնածուի գիտական աստիճանի ստանալու համար պաշտպանած դիսերտացիայի ինքնառեքերաբեր,

ստորկությունից, և բացել է նույն առջև մի նոր բաղադրական կյանքի ասպարեզս: ¹

Արծրունին այդ մասին շատ է վրել, քայքայելով իր խոսքերը՝ դրված երիտասարդ տարիներին, նթև չլինելու ուսական հզոր պետությունը, — հարցնում է Արծրունին, — ի՞նչ կլինե՞ր մեր վիճակը: «Միշտ միևնույն տեղը կմնանք, ինչպես և մնացինք հայերս հինգ կամ վեց դար. լուռ, անշարժ, կյանքի ուշան ևս ցույց չտալով, մինչև որ բախտավորապես հանեց մեզ մեր խոր քնից, մեր անշարժությունից, — ուսական տերություն ազդեցությունը» ²

Այս քուրդին հարկավոր է ավելացնել, որ հայ բուրժուազիան 1870—1880-ական թվականներին կարիք չունե՞ր որևէ պայքար ծավալելու ցարիզմի դեմ: Նա իր զարգացման համար ոչ մի արգելք չէր հանդիպում ուսական բուրժուազիայի կողմից: Մեր առաջադրած այս հարցը որոշակի է դառնում, երբ կարդում ենք ընկեր Ստալինի դիտողությունը, թե ինչու վրացական բուրժուազիան հակաուսական տրամադրություններ չունե՞ր: ³

Այսպես, ուրեմն, հայ բուրժուազիան ճնշված չէր ուսական բուրժուազիայի կողմից, իսկ Անդրկովկասում ապրող մյուս ազգությունների բուրժուազիան նրա համար քուրդովին սարսափելի չէր: Դեռ ավելին. 1870—1880-ական թվականներին հայ բուրժուազիայի ձեռք բերած տնտեսական հաջողությունները, նրան թելադրում էին յայնացնել իր տնտեսական գործունեության շրջանները և իր ազդեցության ոլորտի մեջ ներգրավել նաև Արևմտյան Հայաստանը: Սա մի շրջան էր, երբ հայ բուրժուազիան խոսում էր ամբողջ ազգի անունից և հարց էր դնում ազատագրել ճնշված հայ ժողովրդին ֆեոդալական Թյուրքիայի բարբարոս լծից:

Այդ ժամանակաշրջանում Արծրունին ավելի կոնկրետ կերպով սկսեց զբաղվել արևմտահայ ժողովրդի հարցով: Արծրունու ազգային ազատագրական պրոպագանդան սերտորեն կապված էր նրա սոցիալ-տնտեսական հայացքների հետ: Նա հայ ժողովրդի ապագան կապում էր Ռուսաստանում զարգացող կապիտալիզմի հետ, իսկ Թյուրքիայի հետամնաց-ֆեոդալական հասարակարգը դիտում էր «րպես արգելակող հանգամանք Հայաստանի

տնտեսական և քաղաքական առաջադիմության համար:

Այս հիմնական պաշարներից ելնելով Արծրունին 19-րդ դարի 70-ական թվականներին կեսերին սկսեց լայն պրոպագանդա՝ Ռուսաստանի սպություններ Արևմտյան Հայաստանի ազատագրման համար: Նա իր հրապարակախոսական հողվածներում աշխատում էր արևմտահայերին բացատրել, որ հայ ժողովրդի տնտեսական ու քաղաքական վիճակը անհամեմատ ավելի տանելի է ուսական պետության մեջ, քան սուլթանական Թյուրքիայի ֆեոդալական դաժան հնչման պայմաններում:

Արծրունին գրում էր, թե Թյուրքիայից եկող նամակները խոսում են հայերի ողորմելի և ճնշված դրության մասին: Հայերը Թյուրքիայում ենթարկվում են քրդերի և Թյուրքերի սարսափելի հարստահարությանը: Հատկապես ծանր է հայերի դրությունը Վանի և Մուշի շրջաններում, որտեղ հայերը պատրաստ են թուրքանալ այդ տանջանքներից ազատագրվելու համար: Այդ թշվառ հայերի վիճակով ոչ ոք չի հետաքրքրվում, նրանք բոլորովին անպաշտպան են. «Կ. Պոլսի հայոց պատրիարքը ոչինչ ուժ և կարողություն չունի, — շարունակում է Արծրունին, — խեղճ գավառացի հայերին տերության առաջ պաշտպանելու: Կ. Պոլսի հայոց ազգային և կրոնական ժողովրդ միայն դատարկ կրոնական հարցերով է զբաղված, ունի երևակայական իրավունքներ... հայերի սահմանադրությունը Թյուրքիայում մի խաղալիք է ուրեմն, որ տվել է տերությունը Կ. Պոլսի դատարկախոս, բարձր խոսքերով և ոչ թե իրական, կենսական, ամբոխի բարոյական և տնտեսական ոգուտներով հափշտակվող հայ հոսհոսներին...»:

Արծրունին այդ հողվածում, ինչպես և բոլոր շատ հողվածներում, որոշակիորեն բաժանում է Կ. Պոլսի հայությանը գավառի հայությունից: Նա ընդգծում է, որ այս երկու հատվածները միմյանց հետ նմանություն չունեն: Եթե Կ. Պոլսի 300 հազարանոց հայ համայնքը որոշ արտոնություններ է վայելում, այստեղ տեղական պաշտոնյաների շարաշահություններ ավելի սակավ են պատահում, ապա գավառի հայության մարդկային իրավունքները ոտնակոխ են արված, այնտեղ տիրում է կատարյալ կամայականություն, հայերը հալածված են, ճնշված և եթե այսպես շարունակվի, այստեղի հայությունը կանհետանա այնպես, ինչպես անհայտացել են Հնդկաստանի հայերը:

¹ «Հյուսիսափայլ», 1859, հունվար, էջ 12:

² «Գրիգոր Արծրունու աշխատություններ», հատ. 1-ին, էջ 86:

³ И. В. Сталин - Сочинения, том II, стр. 307.

¹ «Մշակ», 1875 թ., № 51:

ծթն այդպես է գավառական հայության դրությունը և Կ. Պոլսի հայերը նրանց մասին չեն մտածում,— գրում է Արծրունին,— ապա «Մշակի» գործն է սխտեմատիկ կերպով ծանոթացնել արևելահայերին իրենց եղբայրների դրության հետ, մյուս կողմից «Ռուսաստանի հայր իր մնացած եղբայրներից՝ Քյուրքիայի և Պարսկաստանի հայերից ավելի բախտավոր, ավելի ապահով, ավելի ազատ, ավելի հարուստ և ավելի կրթված է։ Նա կուզենար օգնել իր օտարերկրյա եղբայրներին, բայց չի ճանաչում նրանց կարիքները, որովհետև ճիշտ կերպով ծանոթ չէ նրանց դրության հետ»։

Արծրունու և նրա կողմնակիցների նպատակն էր արևմտահայերին կապել արևելահայերի հետ, քանզի երկու հատվածները բաժանող անջրպետը և որ գլխավորն է՝ հիմնովին փոխել արևմտահայերի վերաբերմունքը դեպի Ռուսաստանը և արևելահայ ժողովուրդը։ Սրանով կարելի է բացատրել այն պայքարը, որ «Մշակը» սկսեց արևմտահայ մի շարք թյուրքասեր գործիչների և հատկապես այսպես կոչված ազգային սահմանադրության դեմ։ Արծրունին աշխատում էր ցույց տալ, որ Ղրիմի պատերազմից հետո թյուրքական կառավարությունը Կ. Պոլսի հայերի կրոնական համայնքի ներքին գործերում մի շարք զիջումներ անելով փորձում էր արևմտահայերին կրտսերել Ռուսաստանի ազդեցությունից։ Արծրունին հերքում էր ազգային սահմանադրությունը, որպես մի անիրական բան, որպես «օղային մի ամրոց», որը հայերին ոչինչ չէր տվել, բացի առանձին ոգևորությունից»։¹

Արևմտահայ ժողովրդի ազատագրման համար Գ. Արծրունու ծավալած պրոպագանդան նոր թափ ու ծավալ է ստանում 70-ական թվականների կեսերից, երբ թյուրքերի բռնապետական, բարբարոսական տիրապետության դեմ ազգային-ազատագրական շարժումներ են սկսում բալկանյան սլավոնները։

Ազգային-ազատագրական պայքարի նշանավոր այս տարիներին, երբ վճռվում էր Քյուրքիայի ճնշված ժողովուրդների բախտը, հայ ժողովուրդը, որը նույնպես հեծում էր թյուրքական լուսակալության ծանր լծի տակ, չէր կարող հանդիսատեսի դերում մնալ։ Սլավոն ժողովուրդների հերոսական ազատագրական պայքարը ոգևորում էր հայ ժողովրդին։

Արծրունին ոչ միայն համակրությամբ էր վերաբերվում դեպի սլավոնների ազգային-ազատագրական շարժումները, այլև իր հոգվածներում արդարացնում էր նրանց ապստամբ-

վելը Քյուրքիայի դեմ։ «Արդյոք նրանք, սլավոնները, թյուրք պետության հպատակները, իրավունք ունենա՞ն ապստամբվելու օրինական պետության դեմ։ Այո,— պատասխանում է Արծրունին,— նրանք դենք են վերցրել իրենց հասարակ մարդկային իրավունքները պաշտպանելու համար»։²

1875—1876 թ. թ. նորից բարձրացավ այսպես կոչված «Արևելյան հարցը»։ Ինչպես միշտ, այնպես էլ այդ առիթով, ճնշված ժողովուրդների ազգային-ազատագրական պայքարը Քյուրքիայի բռնապետության դեմ օգտագործվեց եվրոպական իմպերիալիստական պետությունների կողմից՝ իրագործելու համար իրենց հափշտակողական պլանները Արևելքում։

Արծրունին գտնում էր, որ Արևմտյան Եվրոպան միայն իր շահերի համար է միջամտում Քյուրքիայի ներքին գործերին և նորից փորձում մի խաղ խաղալ ճնշված ժողովուրդների գլխին, ինչպես այդ եղել է նախկին ժամանակներում։³

Արծրունին եվրոպական պետություններից առանձնացնում է Ռուսաստանին և ցույց էր տալիս, թե միայն նա է, որ ոչ միայն խոսքով, այլև գործով օգնում է Քյուրքիայում ճնշված, հարստահարված ժողովուրդներին։ Իսկ եթե Եվրոպայում էլ կա համակրություն դեպի այդ ժողովուրդները, ապա դա մի մասնավոր երևույթ է և երբեք չի արտահայտում տվյալ պետության վերաբերմունքը դեպի ճնշվածները։⁴

Ռուսաստանի արևելյան քաղաքականությունը հետապնդում էր Ասիայի մեծ մասի և Կ. Պոլսի գրավումը, սակայն ժխտել չի կարելի, որ նրա այդ քաղաքականությունը օրեկտիվորեն խթանում էր Բալկանյան ժողովուրդների ազգային-ազատագրական շարժման ծավալումը։

Վայ հասարակությանը Քյուրքիայում լարված ուշադրությամբ հետևում էր Բալկանյան դեպքերի զարգացմանը, իսկ Կ. Պոլսի հայ գործիչները դեռ չէին կարողանում կողմնորոշվել ստեղծված քաղաքական բարդ իրադրությունների պայմաններում և բռնել էին սպասողական դիրք։ Հայ հասարակական գործիչներից առաջինն Արծրունին էր, որ ըմբռնեց ստեղծված քաղաքական իրադրության անշափ կարևորությունը, շանաց շարժման մեջ դնել հայ հասարակական կյանքը և մեծ եզանդով ծավալեց իր ազատագրական պրոպագանդան։

¹ «Մշակ», 1880 թ., № 44։

² Նույն տեղում։

³ «Մշակ», 1877 թ., № 58։

¹ «Մշակ», 1880 թ., № 1։

² «Մշակ», 1876 թ., № 45։

Արծրունու առաջին առաջնորդողը եվիր-ված այդ հարցին տպագրվեց 1876 թվի հուլիսի 1-ին և կրում էր «Քրիստոնեություն և մանկագականություն» վերնագիրը: Այդտեղ Արծրունին գրում էր, թե մի տարի է ինչ սկսվել է սլավոնների ազգային-ազատագրական պայքարը Քյուրթիայի բռնակալ ուժի դեմ: Սլավոնների ապստամբությունն ամբողջ աշխարհի հասարակական կարծիքի քննության առարկան է դարձել: Ամեն տեղ հիշվում են Քյուրթիայի անտանելի լծի դեմ ապստամբած ժողովուրդների անունները: Միայն մի ազգի անունը ոչ մի տեղ չենք հանդիպում, դա հայ ազգի անունն է, որ գուցե ավելի ծանր գրության մեջ է գտնվում, քան թե սլավոն ազգերը: Այդ ինչպե՞ս պատահեց, որ մի ճնշված, հարստահարված ժողովուրդ մինչև այժմ հեռու մնաց այդ ընդհանուր շարժումից, — հարց է տալիս Արծրունին և ապա բացատրում այդ երևույթի պատճառը: «Քյուրթիայի հայերը ճնշված, ստորացած են, մինչև այն աստիճան կրավորական են դարձրած, որ իրանց սեփական շրջանից անկարելի է սպասել բռնավորության, հալածանքի և ճնշման դեմ բողոք... հայր հասել է գարավոր ստրկության շնորհիվ անկման այն աստիճանին, որ կորցրել է հավասար դեպի իր սեփական ուժերը...»:

Մի՞թե այս դրության մեջ պետք է մնան հայերը, — շարունակում է Արծրունին, — իհարկե ոչ, բայց նրանք այնքան ճնշված, ստրկացած են, որ այժմ սպասել նրանցից բողոք իրենց հալածանքի, ճնշման դեմ, անկարելի է: Այդ պատճառով էլ հայերի մեջ ազատագրական շարժում սկսելու համար, ըստ Արծրունու, պետք էր դիմել դրսի օգնությանը:

Արծրունին համոզված էր, որ այդ դրսի հզոր ուժը կարող է լինել միայն Ռուսաստանը: Նրա կարծիքով Ռուսաստանը իր շահերի տեսակետից սլավոն է ուղադրություն դարձնի հայերի վրա:

Գ. Արծրունին իր մյուս «Այժմ կամ երբեք» ստալնորդողում նորից հիշեցնում էր արևմտահայ ժողովրդին, որ պետք է սգուտ քաղել ստեղծված քաղաքական հանգամանքներից, քանի որ նորից այդպիսի բարեհաջողություն չի ներկայանա: Արծրունին այստեղ ևս վերադառնում է այն հարցին, թե միմիայն Ռուսաստանի վրա պետք է հույս դնել: Անդլիայի քաղաքականությունից պետք է զգուշանալ, նա խարդախ է, խորամանկ և իր շահերի համար ոչ միայն պաշտպանում է Քյուր-

թիային, այլև սովորեցնում է նրան նենգամիտ միջոցներով խաբել քաղաքակիրթ աշխարհը¹:

Ավելի նշանավոր են Արծրունու իրար հետևից գրած երկու առաջնորդողները: «Մինչև ե՛րբ» և «Մի՞թե» այժմ էլ հայերի հերթը չէ՞: Այդ առաջնորդողներում Արծրունին զարգացնում էր այն միտքը, թե արևմտահայ ժողովուրդը չի կարող ազատագրվել ճնշումներից ու հալածանքներից, չի կարող ստանալ հասարակ մարդկային իրավունքներ, առանց զինված պայքարի, առանց ապստամբության: Զենքն է, որ պետք է վճռի հայ ժողովրդի բախտը: Արծրունին պիտակցում է, որ ապստամբությունները, զինված պայքարը չեն լինում առանց զոհերի: Ուրեմն հարկավոր են զոհեր, նահատակներ: Ժողովրդի մեծամասնությունը կործանումից փրկելու համար հարկավոր է արյուն թափել:

«Մենք ասում ենք, — գրում է Արծրունին, — տունը քանդվում է, ընկնելու, ավերակ դառնալու, փուլ գալու վրա է, շուտով դուրս եկեք այնտեղից, երկաթը ձեռքին քանդեցեք նրա ծոած, սպառնող պատերը, — եթե ոչ, ամենքդ էլ նրա ավերակների տակը կմնաք: Իսկ նրանք քանդելու ժամանակ գուցե և ձեռքներից շատերը կզոհվեն, կսպանվեն գլխին ընկած ագուռների և գերանների ծանրության տակ, — բայց դարձյալ շատերը և ոչ ամենքը...»²:

Արծրունին վիճում էր մեղավականների հետ, որոնք հայ ժողովրդին համբերություն էին քարոզում: «Շատերը մեղ հավատացնում են, որ այդ ցնորք է, լավ է համբերեն քանդվող տան քնակիչները: Երբ ինքն իրան նորից կպահպանվի, ծոված պատերը կուղղվեն և ժամանակով նորից կկայունանա շինությունը: Ասում են, որ հայր ազատ շունչ կքաշի Քյուրթիայում, երբ տերությունը կուսավորվի: Մինչև երբ սպասել դրան, երբ նրանք հերքում են լուսավորությունը, երբ հայ տարրը կորչում, ոչնչանում կամ գաղթում է Քյուրթիայից: Երեկ այդ կիսի այն ժամանակ, երբ ոչ մի հայ չի մնա Քյուրթիայում»³:

Նա ավելի կոնկրետ էր դնում հայ ժողովրդի ապստամբության անհրաժեշտության հարցը, երբ կատաղի ատելությամբ և մոլեռանդությամբ լցված թյուրքերը փորը Ասիայի քրիստոնյա ժողովուրդներից սկսել էին առնել Ռալկանյան սլավոնների ապստամբության վրեժը: Այդ սրերին Արևմտյան Հայաստանում սպանություններն ու ավերածություններն զարհուրելի չափեր ընդունեցին: Արծրունին մեծ վրդովմունքով էր խոսում այն զազանու-

1 «Մշակ», 1876 թ., № 23:

2 «Մշակ», 1876 թ., № 27:

3 Նույն տեղում:

Սյունիների մասին, որ կատարվում էր հայ ժողովրդի նկատմամբ: Նա զարմանքով բացահայտում էր. «Եվ այդ մարդիկ զենք չեն վերցնում, խանչալ չեն ցցում այն զազանների կուրծքը, զանակ չեն կոխում այն հրեշների փորը, որոնցից կրում են այն անասելի մարմնական և անեկարագրելի բարոյապես ամեն մարդկային արժանավորությունը ստորացնող, ոչնչացնող տանջանքները...»¹

Արծրունու ազատագրական գաղափարները, նրա մարտական կոչերը ապստամբելու թյուրքիայի բռնապետության դեմ, թշնամաբար ընդունվեցին հայ պահպանողական շրջանների կողմից՝ Արևելյան և Արևմտյան Հայաստանում: Պահպանողականները գտնում էին, որ հայերը սլավոնների նման լպետք է դիմեն զինված ապստամբության: Նրանք համբերություն էին քարոզում դեպի «Թյուրքական բարեխեմա կառավարությունը, գտնում էին, որ Թյուրքիայում հայ ժողովրդի տնտեսական և կուլտուրական զարգացման համար կան բոլոր անհրաժեշտ պայմանները: Այդ կարգի մարդիկ այնքան հեռու գնացին, որ պնդում էին, թե Փոքր Ասիայում հեարավոր է հիմնել Թյուրքիա-հայկական պետություն, ինչպես Ավստրո-Հունգարիան՝ Եվրոպայում»:

Արծրունին «Մշակում» մերկացնում էր այդ մարդկանց: Իր «Ռուսաստանը և Թյուրքիայի հայերը» առաջնորդողում ցույց էր տալիս, որ հայ ժողովրդի համակրությունը Ռուսաստանի կողմն է, իսկ Ռուսաստանին թշնամի են միայն թյուրքական շրջանների հետ կապված, նրանց միջոցներով ապրող հայ կղերականները և հարուստները: Հասկանալի է, որ վերջիններին շահերը թելադրում են պաշտպանել Թյուրքիայի գոյությունը, «Որքան Հայաստանի հայոց ամբոխը,— գրում էր Արծրունին,— մոտ երեք միլիոն Փոքր Ասիայի մեծ մասամբ երկրագործ և արհեստավոր հայոց ժողովուրդը ցանկանում է միանալ Ռուսաստանին, ապրել հաստատ օրենքների հովանավորության տակ, գուրս զալ այնպիսի դրությունից, որտեղ նա ապրում է անսահման կամայականության տակ, անպաշտպան լինելով հարստահարությունների, բարբարոսությունների, մահմեդական ամբոխի, ավազակների և թյուրք պաշտոնյաների կամայականության դեմ,— այնքան Կ. Պոլսի հայոց հասարակության մեծ մասին ձեռնառու է Օսմանյան պետության հովանավորության տակ սպառնալի Կ. Պոլսի հայերը ապրում են օտար հողի վրա,

կտրված են իողից, երկրի տնտեսական և բարոյական օգուտներից, պարապում են վաճառականությամբ, կապալառությամբ, վաշխառությամբ և շատերը նրանցից կապված են թյուրքաց տերության հետ ավելի էլ, քան կապերով: Օսմանյան տերության պետական ծառայության մեջ գտնվելով, ասկանալի է, որ նրանց ձեռնառու է թույլ, միշտ փոփոխական ուղղություն ունեցող կառավարություն»²:

Գրիգոր Արծրունին այդ օրերին Ռուսական մի բրոշյուր, ուսերեն լեզվով «Востокъ и западъ» խորագրով: Այդ բրոշյուրը նրա պարակնից մի այնպիսի ժամանակ, երբ եվրոպական դիվանագիտությունը փորձում էր վճռել այսպես կոչված Արևելյան հարցը: Արծրունին գրում էր, թե Արևելյան հարցը ավելի լայն է, քան այժմ այն հասկանում են: Նա միայն սլավոնների փրկության հարցը չէ, Թյուրքիայի բռնապետական լծից պետք է ազատագրվեն Բալկանյան ժողովուրդները, ինչպես և հարկավոր է, պետք է ազատություն տալ Թյուրքիայի կողմից ճնշված բազմամիլիոն մյուս ժողովուրդներին, որոնք ապրում են Փոքր Ասիայում:

Արծրունին կողմնակից էր Արևելյան հարցի արժատական լուծմանը՝ Թյուրքիայի կողմից ճնշված բոլոր ժողովուրդների ազատագրման միջոցով, նա չէր հավատում Եվրոպայի ջանքերին, որը փորձում էր անձնեմխելի պահել Օսմանյան կայսրությունը և ռեֆորմների ճանապարհով կենդանացնել բազմազգ Թյուրքական պետությունը:

Արծրունին իրավացի էր, որ չէր հավատում եվրոպական պետությունների արևելյան բազաթականության անկեղծությանը, սակայն նա ճիշտ չէր նաև, երբ հեարավոր էր համարում մի ուրիշ եվանդոլի՝ ցարական Ռուսաստանի օգնությամբ ազատագրել Թյուրքիայի կողմից ճնշված ժողովուրդներին:

Երբ 1877 թ. սկսվեց ռուս-թյուրքական պատերազմը, Արծրունին գրեց հետևյալը. «Ցանկանանք մեր զորքերին հաղողություն, որից կախված է Արևելքի ազատությունը, նրա քնակիչների խաղաղ, ապահով դրությունը և երկար ժամանակ ճնշման տակ մեացած քրիստոնյա ազգերի բարոյական, տնտեսական և մասվոր վերանորոգությունը»:

Ինչպես տեսնում ենք, Արծրունին ռուսական զորքերի հաղողության հետ է կապում արևելյան ժողովուրդների ազատագրման գործը, նա ջանում է ցարիզմին ներկայացնել ճնշվածների ազատարարի դերում:

¹ «Մշակ», 1876 թ., № 38:

² «Մեղու Հայաստանի», Թիֆլիս, 1876 թ., № 27:

¹ «Մշակ», 1876 թ., № 31:

² «Մշակ», 1877 թ., № 26:

Գրիգոր Արծրունին պատերազմի տարիներին ծավալեց մի շտեմսված եռանդուն զործունեություն: «Մշակը» իր համարները ամբողջովին նվիրում էր Արևմտյան Հայաստանից եկող լուրերին: Նրան հատկապես մտահոգում էին այն հաղորդագրությունները, որ իբրև Անգլիան որոշել է թույլ շտալ Ռուսաստանին գրավել Արևմտյան Հայաստանը: Այդ կապակցությամբ Արծրունին նորից սկսում է քննել այն հարցը, թե ի՞նչ է տալու այս պատերազմը հայ ժողովրդին, ի՞նչ է լինելու նրա ապագա վիճակը:

Այդ հարցի պարզաբանմանն է նվիրված Արծրունու «Հայաստան և Եվրոպա» առաջնորդը: Կար ժամանակ, — գրում էր նա, — երբ Արևմտյան Եվրոպան բոլորովին չէր հիշում Հայաստանը: Արևմուտքում ընդհանրապես Արևելքի մասին խոսում են միայն այն ժամանակ, երբ այնտեղ կան որոշ շահեր կամ բախումներ: Բայց ի՞նչ է արել Եվրոպան Արևելքի համար, հարցնում էր Արծրունին: Ֆրանսիան, երբ նապոլեոն 3-րդի ժամանակ ամենակարողն էր Թյուրքիայում, ի՞նչ արավ Թյուրքահայտակ բրիտանյանների համար, քսցի նրանց մեջ կրոնական երկպառակություններ գրգռելուց, կաթոլիկության և պապականության ազդեցությունը Արևելյան բրիտանյանների մեջ տարածելուց: Իսկ այժմ Անգլիան միայն հետևում է իր անձնական օգուտներին, իր նյութական շահերին: Եվ եթե նրա շահերը թելադրում են, ապա նա ամեն ինչ կանի, որ «Հայաստանը էլի ստրկացած մեծ մահմեդական ճնշման տակ»¹

Արծրունին իր «Հայաստանը ի՞նչ պետք է դառնա» առաջնորդողում ավելի կոնկրետ է դնում Հայաստանի ապագայի հարցը: Պատերազմը բերում է Թյուրքիայի կործանումը: Թյուրքիային պատկանող եվրոպական երկրները նրանցից կբաժանվեն: Այդ պայմաններում ամբողջ Արևմտյան Հայաստանը կցանկանա միանալ Ռուսաստանին, բայց եթե Ռուսաստանը նվաճումներ չկամենա անել, հայերի միակցանկությունն է, որպեսզի Ռուսաստանը Հայաստանին իր հովանավորության տակ առնի և նրա համար ստեղծի մի ինքնավարություն, «քան թե նորից վերադարձած լինի Թյուրքիայի բարբարոս, ճնշող, ոչնչացնող տիրապետությանը»²

Եվ այսպես, Արծրունին ելնելով ընդհանուր քաղաքական և պատերազմական իրադրությունից, Հայաստանի փրկությունը տեսնում էր Ռուսաստանի միացման մեջ: Պրկու-

թյան այդ ուղին Արծրունու համար ավելի անհրաժեշտ է թվում, երբ Թյուրքիայում 1877 թ. ամռանը հայ ժողովրդի քանդաման փորձերն ակնհայտ են դառնում:

1878 թ. փետրվարի 19-ին Սան-Ստեֆանոյում խաղաղության պայմանագիր ստորագրվեց Թյուրքիայի և Ռուսաստանի միջև: Արյունահեղ պատերազմը վերջացավ Ռուսաստանի լիակատար հաղթանակով: Թյուրքիան հանաչեց հարավային սլավոնների իրավունքները և հաղթող Ռուսաստանը տիրապետող դիրք ձեռք բերեց Բալկանյան թերակղզում: Մի շարք հայ և ռուս գործիչների ջանքերով պայմանագրի 16-րդ հոդվածում դրվեց հայկական նահանգներում ռեֆորմներ ձեռնարկելու անհրաժեշտության հարցը:

Հայկական հարցը ծագելով որպես արևմտահայության ազգային - ազատագրական ձգտումների արտահայտություն և կապված լինելով այն տեղական պայքարի հետ, որ մղում էր հայ ժողովուրդը Թյուրքիայի դաժան ֆեոդալական կարգերի դեմ՝ ազգային անկախություն ձեռք բերելու և արևելահայերի հետ միավորվելու և ազգային միասնական մարմին կազմելու համար, հեղաղայում՝ Սան-Ստեֆանոյի դաշնագրից հետո, դադարեց սոսկ հայկական նշանակություն ունենալուց, դարձավ միջազգային դիվանագիտության առուծախքի առարկա:

Հայ ժողովրդի համար ստեղծված ներքին և արտաքին քաղաքական բարդ պայմաններում հարկավոր էր ընտրել փրկության այն ուղին, որը բոլորից հարմարը կլիներ արևմտահայության վիճակը կարգավորելու համար: Ծանկալի և հնարավոր ուղին՝ Ռուսաստանի հետ լինելն էր, նրանից օգնություն ստանալը, որովհետև 1878 թ. իրադրության մեջ Հայկական հարցի լուծման ուսական ծրագիրը հայ ժողովրդի համար ձեռնտու էր և ունալ:

Ռուսաստանից օգնություն ստանալու, նրա ծրագիրներին և ձգտումներին արգելք չլինելու քաղաքականության ճանապարհն էին բռնել այսպես կոչված ուսական օրինակաբան ունեցող շրջանները: Սրանք արտահայտում էին գավառի ամբողջ հայության քաղաքական իդեները: Հենց Կ. Պոլսում, մի խումբ հայ առաջավոր մտավորականներ Ա. Արփիարյանի զբղսավորությամբ, ուտոպիա էին համարում Անգլիայի վրա հույս դնելը, և կոչ էին անում սերտ մերձեցում ստեղծել Ռուսաստանի հետ: Այս ուսասներներն էին, որ Սան-Ստեֆանոյի պայմանագրի կնքման օրերին Դ. Արծրունու նման ծավալեցին բավականին եռանդուն զործունեություն և ամեն ջանք գործ դրին, որպեսզի ապահովեն Ռուսաստանի հովանավոր-

¹ «Մշակ», 1877 թ., № 30:

² «Մշակ», 1877 թ., № 32:

րսւթյունը հայ ժողովրդի վրա: Սրանք էին, որ ԼԲ. Իզմիրլյանին և Խ. Նարպեյին ոռուսական կռավարութեան և էքսթանզի կաթողիկոսի հետ բանակցութիւններ վարելու համար դուրսուղծ-դին Ռուսաստան:

Ռուսաստանի հետ միաժամանակ շարունակեցին իրենց գործունեութիւնը անգլիական որինետացիա ունեցող շրջաններու Հայերի այս խմբի մեջ եռանդով աշխատում էր Կ. Պոլսի անգլիական դեսպան Լայարդը: Նա էր, որ հայերի մեջ կազմակերպում էր ամեն տեսակի ձեռնարկումներ Ռուսաստանի դեմ: Այս խումբին բավական մոտ էին կանգնած հայ բողոքականներն ու կաթողիկէները, որոնք դեպի Ռուսաստան իրենց հակակրական ցույցերով բավականին աչքի էին ընկել: Անգլիական դեսպանը ամեն ինչ անում էր, որպէսզի հայերին կտրի Ռուսաստանից, նա էր, որ հայ գործիչներին խորհուրդ տվեց հրաժարվել Սան-Ստեֆանոյի 16-րդ հոդվածից, Հայաստանի համար ինքնավարութիւն պահանջել և խուսափել մտնելու Ռուսաստանի հովանավորութեան կամ տիրապետութեան տակ:

Սան-Ստեֆանոյի պայմանագրի վերանայման կապակցութեամբ անգլիացիներ խումբը առատ խոստումներ էր ստանում անգլիական կառավարութիւնից: Մինչև իսկ թյուրքական կառավարութիւնը դեմ չէր, որ հայերը գործունեութեան նոր ուղղութիւն բռնեն և Սան-Ստեֆանոյի 16-րդ հոդվածը Եվրոպական պետութիւնների քննութեան առարկա դարձնեն: Անգլիական և թյուրքական կառավարութիւնների նպատակն էր օգտագործել հայ ժողովրդին Ռուսաստանի դեմ, հրավիրվող Բեռլինի խաղաղութեան կոնգրեսում վերանայել Սան-Ստեֆանոյի խաղաղութեան պայմանագիրը:

Բեռլինի կոնգրեսի նախօրյակին Խրիմյանի զխաղաղութեամբ մի պատվիրակութիւն մեկնեց Եվրոպա: Սրա նպատակն էր Եվրոպայից խնդրել ինքնավարութիւն Հայաստանի համար: Ընչպէս փաստերը ցույց են տալիս, հայկական պատգամավորութիւնը Եվրոպայում ղեկավարվում էր Անգլիայում ապրող մի բուռն հայերի կողմից, ներսն պատրիարքը նույնպէս սերտ կերպով կապված էր Լոնդոնի և Մանչեստրի հայերի հետ, նրանցից խորհուրդներ էր հարցնում արտաքին քաղաքականութեան հարցերի շուրջը, իսկ պատրիարքարանի բոնեօրէն ուղղութեան մասին այնտեղից ցուցմունքներ ստանում: ¹

Դր. Արծրունին ուշադրութեամբ հետևում էր Կ. Պոլսի հայկական շրջանների գործունեու-

թյանը: Արծրունին ժամանակին չգգայ և շահակցաւ, թէ ում շահերին և ծառայում հայկական պատգամավորութիւնը Եվրոպայում: Նրան թվում էր թէ Կ. Պոլսի հայ գործիչների ջանքերը հետապնդում են մի նպատակ՝ ապահովել Սան-Ստեֆանոյի 16-րդ հոդվածի գոյութիւնը: Այդ է հաստատում Բեռլինի կոնգրեսի օրերին գրած նրա «Թյուրքիայի հայերի պահանջները. առաջնորդողը, որտեղ նա զարգացնում է իր նախկին ծրագիրը Հայաստանի վարչական ինքնավարութեան մասին, Ռուսաստանի հովանավորութեամբ: Հետագործին այն է, որ այս առաջնորդողումն էլ, ինչպէս և առաջ Արծրունին գգուլացնում էր հայերին, շնորհաւոր որ ոռուսները հարուցեցին հայոց հարցը, իսկ անգլիացիները Եվրոպական միութեան ազգերի համեմատութեամբ բոլորից շատ իրենց հայ ժողովրդի բարեկամ ձեռքերին: Թէ անգլիացիների համար անհասկանալի բան է բարեկամութիւնը, երբ գործը հասնում է նյութական ու տնտեսական շահերին և գրա համար էլ «Որքան էլ Թյուրքիայի հայր անգլիացիներին բարեկամ համարեն, այնուամենայնիվ լավ է, եթէ նախապէս հասկանա, որ պետք է շատ գգուլանա այդ տեսակ բարեկամներէց:»

Բայց երբ Կիպրոսի դաշնագրութիւնից և Բեռլինի կոնգրեսից հետո, Արծրունին իմացաւ Անգլիայի իսկական նպատակները, սկսեց մի ամբողջ արշավանք Անգլիայի խաբեքա, խարդախ քաղաքականութեան դեմ և խիստ քննադատութեան ենթարկեց հայկական պատգամավորութեան գործունեութիւնը Բեռլինի կոնգրեսի ժամանակ: Արծրունին գրում էր, թէ հարկավոր է պատահածից խրատվել և ավելի լավ նախապատրաստվել ազատագրական պայքարին: Նա միաժամանակ գրում էր այն հայ գործիչների դեմ, որոնք ջանում էին ցույց տալ, որ հայերը Բեռլինում Սան-Ստեֆանոյի համեմատութեամբ շահեցին, որ Ռուսաստանի փոխարեն այժմ կա վեց պետութիւնների խոստացած ապահովութիւնը:

Բեռլինի պայմանագրի 61-րդ հոդվածը շարդարացրեց հայ ժողովրդի հույսերը: Բայց այդ տարիների իրադարձութիւնները, հատկապէս Հայկական հարցի միջազգային քննութիւնները, զգալի կերպարանափոխում առաջ բերին հայերի հասարակական հայացքների մեջ: Հայ ժողովրդի ազգային գիտակցութիւնը ավելի ուժեղացաւ, իսկ այդ նպաստեց այն բանին, որ Ասիայով մեկ ցրված հայերը իրար մօտեցան, իրար շահերն ավելի լավ հասկանան: Միաժամանակ Արևմտյան Հայաս-

¹ Մուշեղ Եպիսկոպոս — Մանչեստրի հայ գաղութը Պոստոն, 1911 թ. էջ 38:

¹ «Մշակ», 1878 թ., № 103:

ուսնի զավատներում, ինչպես և հայաթական թյուրքական քաղաքներում կազմակերպվեցին բազմաթիվ կրթական և լարեգործական ընկերություններ, որոնք իրենց հերթին զարկ տվին ժողովրդի ազգային դիտակցության զարգացմանը: Ավելի սերտ դարձավ մերձեցումը արևմտահայերի և արևելահայերի մեջ:

4. Պոլսի հայ գործիչների մի զգալի մասը Հայաստանում կիրառվելիք բարենորոգումների հարցը կապում էր Բեռլինի 61-րդ լողվածի իրականացման հետ: Նրանք սպասում էին Ուլրոպայի, հատկապես Անգլիայի օգնությանը: Կենսագործելու Հայաստանի համար նախատեսվող ռեֆորմները:

Բոլորովին այլ դիրք բռնեց Արծրունին: Բեռլինի կոնգրեսից հետո նա դժգոհ էր, որ հայերը Ուլրոպայի օգնությունն են մուրում: Արծրունին հավատացնում էր, որ հայերի ջանքերը իզուր են, որ նրանք դիվանագիտական ճանապարհով ոչինչ չեն ստանա և հայ ժողովուրդը չհասկացավ, որ լուսավորված Ուլրոպայի XIX դարի դեպիզն է՝ «նա ապրտամբվում եմ, ուրեմն ես գոյություն ունեմ»: Իսկ այդ բանը լծամանակակից լուսավորված աշխարհը միակ դրական և օրինավոր մրցոց է համարում մի ազգի համար իր գոյությունը վկայելու...»¹

Ուլ ինչ շահեցին հայերը, երբ մնացին հավատարիմ ու չապստամբեցին Թյուրքիայի դեմ, հարցնում էր Արծրունին, ոչինչ, բացի նոր ճնշումներից և հալածանքներից: Ուլ Արծրունին համառությամբ առաջ էր տանում իր ազատադրական-ապստամբական ծրագիրը: Նա միայն գրա մեջ էր տեսնում հայ ժողովրդի փրկությունը, օժիվ ճշմարիտ, որն է աւվելի դժվար.— հարցնում էր Արծրունին,— ապստամբվել և մի քանի ամիս, գուցե մի երկու տարի իր և թշնամու արյունը թափել, թե հազար տարի շարունակ ամենօրյա կուլտուրական պատերազմ վարել ճնշող ուժի դեմ:—

Այժմ միայն փոքրիկ, քայքայ հերոսական Ջեյթունն է հասկացել, որ իր գոյությունը ապացուցելու և մարդկային իրավունքներ ձեռք բերելու համար հարկավոր է ապստամբվել: Արծրունին ի սրտե ողջունում էր Ջեյթունի 1876 թ. ապստամբությունը Թյուրքիայի դեմ:»²

Գրիգոր Արծրունին միջազգային դիվանագիտության քաղաքականությունը Արևելյան հարցի կապակցությամբ քննության նյութ է դարձնում, այն ժամանակ, երբ եվրոպական

մեծ պետությունները փորձում էին տնօրինել Թյուրքիայի քրիստոնյա ազգերի բախտը:

Պետք է նկատել, որ Արծրունին դիվանագիտության հետ կապված շատ հարցերում կարողացել է ճիշտ կողմնորոշվել և երբեմն բավական հաջող կերպով քաջահայտել մեծ պետությունների արտաքին քաղաքականության բարդ խնդիրները:

Արծրունին ցույց է տալիս, որ Արևելքում իրենց տիրապետությունը հաստատելու համար պայքարում էին Անգլիան և Ռուսաստանը, իսկ 80-ական թվականներից սկսած՝ նաև Գերմանիան: Նրա կարծիքով Ֆրանսիան, որ խոշոր դեր էր կատարում Արևելքի գործերում, ֆրանսապրուսական պատերազմի մեջ կրած պարտությունից հետո միառժամանակ հեռացավ Մերձավոր Արևելքի գործերից: Իսկ ինչ վերաբերվում է Ռուսաստանին, ապա Արծրունին ընդհանրապես խուսափում էր հատուկ քննության նյութ դարձնել ցարիզմի արտաքին քաղաքականությունը: Բայց նա շատ առիթներով խոսելով Անգլիայի արտաքին քաղաքականության հարցերի մասին, հստակ կերպով ցույց էր տալիս, որ ռուս-թյուրքական պատերազմի տարիներին, ինչպես և Բեռլինի կոնգրեսի օրերին, գնում էր պայքար այդ երկու պետությունների միջև: Մերձավոր Արևելքի տիրապետության համար: Արծրունու համակրությունը Ռուսաստանի կողմըն էր, իսկ անգլիական դիվանագիտության հաղթանակները նա համարում էր մեծ դժբախտություն Արևելքի, ինչպես նաև հայ ժողովրդի համար և ցավով էր արձանագրում, որ Ռուսաստանը Բեռլինի կոնգրեսից հետո եւս մղվեց արևելյան գործերից:

Արծրունու կարծիքով Ռուսաստանը այն ուժն էր, որ նպաստում էր Թյուրքիայի կործանմանը, իսկ այդ բանի մեջ տեսնում էր հայ ժողովրդի ազատագրումը և Հայկական հարցի բարենաչող լուծումը: Անգլիան իր շահերից ելնելով միշտ աշխատել է պաշտպանել Թյուրքիայի դոյությունը և նրան օգտագործել, որպես ռազմական ուժ՝ Ռուսաստանի դեմ: Իր այդ քաղաքականությամբ նա խանգարել է Արևելքի ճնշված քրիստոնյա ժողովուրդներին՝ պայքարելու Թյուրքիայի դժան տիրապետության դեմ, ազատագրվելու դժան ճնշումից:

Ցարիզմի արտաքին քաղաքականության մեջ տեսնելով Անգլիայի՝ դեպի Արևելք տարածվելու/դեմ մի չոր ուժ, Արծրունին, սակայն, ըստ էության չէր ըմբռնում ցարիզմի արտաքին քաղաքականության էությունը, նրա նվաճողական քնույթը: Փաստորեն մի նվաճողին հակադրում էր մյուսը, դրանով ձրգտելով լուծել Հայկական հարցը:

Կիպրոսի դաշնագիրը, ինչպես և Բեռլինի

1 Գրիգոր Արծրունի «Թյուրքահայերի տեսնական դրությունը», Թիֆլիս, 1894 թ., էջ 36 և 37:

2 Նույն տեղում, էջ 36:

3 «Մշակ», 1878 թ., N 165:

պայմանագրի 61-րդ հոդվածը, իսկ քննադատության առարկա են դառնում Արծրունու կողմից, Կիպրոսի դաշնագիրը նա համարում էր Անգլիայի դիվանագիտության խոշոր հաղթանակը և նրա տիրապետության սկիզբը Մերձավոր Արևելքում, իսկ Բեռլինի կոնգրեսի որոշումներին վերաբերվում էր թերահավատությամբ։ Արծրունու կարծիքով մեծ տերությանները Բեռլին հավաքվեցին ոչ թե Արևելյան հարցը լուծելու, այլ իրենց գործերը կարգավորելու համար։ Եվ այդ իսկ պատճառով նրանք խուսափեցին արմատական միջոցներից և քաղականացան կիսամիջոցներով։

Բեռլինի կոնգրեսից հետո Արծրունին ժխտում էր դիվանագիտական ճանապարհով և եվրոպական պետությունների օգնությամբ Հայկական հարցի վճռման հնարավորությունը։ Նա գտնում էր, որ մեծ տերությունների մեջ եղած պայքարը և նրանց տնտեսական ու քաղաքական շահերը թույլ չեն տալիս օղնության ձեռք մեկնել Թյուրքիայում ճնշված ժողովուրդներին։

Գրիգոր Արծրունին իր ժամանակին կռահեց, թե հանձին Գերմանիայի հանդես եկավ իմպերիալիստական մի նոր գիշատիչ, որ նրա գլխավոր նպատակներից մեկն էր մեծ եռանդով առաջ տանել իր գաղութային քաղաքականությունը Արևելքում։

«Գերմանիան, Ֆրանս-Գերմանական պատերազմից հետո հասավ իր փառքի ամենաբարձր կետին,— գրում էր Արծրունին։— Նրան պակաս է միայն մի բան— այն է գերխաղալ Արևելքում, ունենալ մի հենակետ Արևելքում։ Եվ ահա այժմ իշխան Բիսմարկը, նույնքան քիչ հոգալով արևելյան քրիստոնյաների վրա, որքան նրանց մասին հոգաց Անգլիան և Ավստրիան, կաշխատե կաշառք առնել Թյուրքիայից, այսինքն մի որևէ ծովագլուխ տեղ, մի նավահանգիստ սեփականացնել, իսկ հույներին և հայերին կթողնի առաջվա դրության մեջ»¹։

Արծրունին արևմտահայ ժողովրդի ազատագրման հարցին նվիրած իր վերջին առաջնորդողներից մեկում գրում էր. «Ժամանակի պահանջներին, թյուրքաց հայերի անհրաժեշտ կարիքներին լրում տալը կարելի է, այո, ժամանակավորապես հետաձգել, բայց իսպառ խափանել երբեք չէ կարելի։ Եվ ինչքան երկար ժամանակ կհետաձգվի այդ պահանջները, այսօրվան մի օր ավելի մեծ ուժով կներկայանան նրանք, հանդես դուրս կգան նրանք անհապաղ լուծում պահանջելու»²։

1882 թվականից հետո լնդատվեց Գրիգոր Արծրունու ազատագրական պրոպագանդան։ Ի՞նչ էր պատճառը, որ այդ ժամանակահատվածի աչքի ընկնող հրապարակախոսը այդպես ինքնակամ ետ կանգնեց իր դավանանքից։

Այդ, երևույթի պատճառը պետք է փնտրել 1881—1882 թ. թ. կատարված հասարակական-քաղաքական տեղաշարժերի մեջ, իսկ Բեռլինի կոնգրեսում անկացան այն հույսերը, որ ունեին հայ գործիչներից շատերը եվրոպական մեծ պետությունների ազատագրական ձեռնարկումների նկատմամբ, ապա՝ ցարիշմը երես դարձրեց արևմտահայ ժողովրդից, իսկ Ալեքսանդր 3-րդի ժամանակ Ռուսաստանում ծավալված քաղաքական ոեակցիան իսկապես նամական դիրք բռնեց ազգային-ազատագրական շարժումների նկատմամբ։

Արծրունին իր դասակարգի՝ հայ բուրժուազիայի հարազատ դավակն էր, նրա լիբերալ գործիչներից մեկը, որը ձգտում էր առանց մասսայական ռևոլուցիոն պայքարի, ցարական Ռուսաստանի օգնությամբ վճռել Հայկական հարցը։ Նա հավատում էր ցարիզմի ազատագրական միսիայի անկեղծությանը և վստահ էր, որ նա ազատություն կբերի արևմտահայ ժողովրդին։ Սակայն Արծրունու հույսերը չարդարացան և նա համարձակություն չունեցավ իր դժգոհությունը արտահայտելու ցարիզմի ոեակցիոն արտաքին և ներքին քաղաքականության դեմ։

Արծրունու և մյուս հայ լիբերալների գծած ուղիով, ինչպես այդ պատմությունը ցույց տվեց, հնարավոր չէր վճռել հայկական իարցը։ Հարստահարված, ճնշված ժողովուրդների ազատագրման մի ուղի կա, այդ ուղին նշել են մարքսիզմի կլասիկները, մասնավորապես ընկեր Ստալինը։

«Հայաստանի զավակները, իրենց հայրենիքի հերոս պաշտպանները, բայց ոչ այնքան էլ հեռատես քաղաքագետները, որոնք բազմիցս խաբվել են իմպերիալիստական դիվանագիտության գիշատիչների կողմից, չեն կարող շտեմել, որ դիվանագիտական կոմբինացիաների հին ուղին՝ Հայաստանի փրկության ուղի չէ։ Պարզ է դառնում, որ ճնշված ժողովուրդների ազատության ուղին կատարվելու է պրոլետարական ռևոլուցիայի միջոցով, որը Ռուսաստանում սկսվեց հոկտեմբերին։ Այժմ բոլորի համար պարզ է, որ Ռուսաստանի ժողովուրդների բախտը, առանձնապես հայ ժողովրդի բախտը, սերտորեն կապված է չեկոսլավերյան Ռեվոլուցիայի բախտի հետ»³։

¹ «Մշակ», 1881 թ., N 29։

² «Մշակ», 1887 թ., N 125։

³ И. В. Сталин — Соч., том IV, стр. 25—26.